

O alkoholizmo

karakterizirnela pe bare tolerancija taj gogjakere athinalipaja tar alkoholi. O lungevakteskere efekta tar alkoholeskoro istemalkeribe saikerena ciroza ko kalo buko, pankreatitis, epilepsia, polineuropatia, alkoholnikani demencia, vileskoro nasvalipe, nutritivnikano deficiiti taj seksualnikani dusfunkcia, sar taj barjardo riziko baši kanceri. Mentalnikane rumiba ko lungovakteskoro alkoholeskoro istemalkeribe si demencia, rumine ko gogjakere funkcie, anksiozno ovibe, depresia, šizofrenia, panikane dara.

O alkoholizmo phanlo si prandinakere problemencar, kherutne čelalibaja, biarakhibe taj bilačhoistemalkeribe čhaven, bukjakoro našavibe. Specifikane nišania baš alkoholizmo si: amnezia, našavibe kontrola ko piibe taj vjavaharibe, bajorvibe taj peravibe i tolerancia taj apstinencialnikano sindromi.

O alkoholičaria manifestirinena:

- Ekstremnikano harni tolerancia ko frustracie
- Bišajdipe baši ikeribe anksiozno ovibe taj tenzia
- Ekstremnikano narcizmo.
- Sekundarnikane psihologikane reakcie si:
- Bareder hipersenzibiliteti
- Impulsivno ovibe
- Hošibe izolacia taj došakerin
- Bari bimangin
- Ambicionikano ovibe
- Mazohistikane-sadistikane tendencie

Mukibaskere simptomia: anksiozno ovibe, bimudripe, bisovibe, barjardo rateskoro tansioni, temperatura, sigjardi buti ko vilo taj respiracia, vileskoro kišlibe, konfuzia, dezorientacia, halucinacie, grčia dži meribe.

Baro gendo terne kola konzumirinena alkoholi arakkena palpalunipa sar: džeze, trafikoskere bibahtalipa, sastipaskere problemia, siklovibaskoro bišajdipe t.a.



Црвен крст на Република Македонија
Kryqi i kuq i Republikës së Maqedonisë
Macedonian Red Cross

THE CHURCH OF
JESUS CHRIST
OF LATTER-DAY SAINTS

ALKOHOLIZMO

I sumnaleskiri saastipaskiri organizacia e alkoholizmo defniringja le sar "Hronikano alkoholičari ja jekhalefija vakerdo alkoholičari si odoja persona savi but lela alkoholnikane piiba, kolate zurargje pe gogjakoro taj badanikano athinalipe tar alkoholi, savi sikavela somatoneurologikane ja ruheskere rumiba ko vjavaharibe savo vakerela but baši rumibe ko gogjakoro taj badanikano sastipe, ja taj rumibe ko socialnikano taj ekonomikano hali ki persona."

Avdive, o alkoholizmo si kompleksno problemi taj gndinela pe baši majmasovno toksikomania taj jek tare majserioznikane socio'medicinaker taj ekonomikane problemia ko modernikano sasoiitnipe. O palpalunipa kolen o alkoholizmo andarela ko manuš, dikhlo taro medicinakoro aspekti andarela dži tiknjaribe o sasoiitno bukjakoro šajdipe taj leskoro normalnikano funkcioniribe. Dikhlo taro sociopatologikano aspekti, baro problemi si o deviantno ja asocialnikano vjavaharibe kriminalnikane bukjenar sar palpalunipe tar alkoholizmo. Ulavdo interesi, o sociologoja, psihologoja taj andragogoja dena baši atmakere xošiba kolen o alkoholizmo andarela ki familia, kova sar ulavdi tamiribaskiri kletka ko sakova sasoiitnipe si primarnikano faktori baši personakoro zuraribe ulavdeste baši gogjakoro-badanikano taj emocionalnikano zuraribe taj primarnikano socializacia.

Akale flaereskoro printibe lovenar si pomaškardo tari

THE CHURCH OF
JESUS CHRIST
OF LATTER-DAY SAINTS

WWW.REDCROSS.ORG.MK

f www.facebook.com/CrvenKrstNaRepublikaMakedonija

YouTube www.youtube.com/MacedonianRedCross

Buvljaripe

Aso evidentia tari Sumnaleskiri sastipaskiri organizacia ko sumnal si trujal 140 milionia alkoholičaria. Ki republika Makedonia si 40-60 mile alkoholičaria ja 2-3% taro džijani si alkoholičaria. 80% taro inkalibe drakha thaj emiši butikerela pe ko alkoholi. Ki republika Makedonia o alkoholi lela than 12% sar faktori ko bibahtalipa, phare ratvakerde ja meribe ko bibahtalipa. O etil alkoholi arakhela pe 3-7% ki bira, 6-14% ki mol, 30-50% ko liker, 16-55% ki rakia thaj 45-50% ko konjako.

E alkoholeskoro asari upro organizmo

O alkoholi ruminela phentuke sakova organi ko badan

Androne organengoro rumibe:


Digestivnikano sistemi: habaskorolegarutno, želudniko, kalo buko, pankreasi

Centralnikano thaj perifernikano gogjakoro sistemi

Vilo thaj vaskularno sistemi

Iranibe ki mortik-pelagra

Badaneskoro peravibe- našavibe muskulnikani masa



Delirium tremens

Predelirium: daravibaskere sune, dar, bimudripe, šamutibe, bisovibe, terledibe, sigjardo pulsi, šereskere dukha.

Delirium: sigate: dikhle halucinacie, akustikane halucinacie, dilinibaskere ideje, paranoja, imi-tirinela profesia, temperatura, rumime godi, na sovela, na hala, but terledinela, kišo pulsi, perela o tansioni, tinanena o vasta, bihaljovibaskoro lafi, epileptikane atakoja, hor suno kova lunginela 3-4 divesa.

Alkoholeskiri halucinoza

Korsakoskiri psihoza

Avela dži atrofia ki godi

Nuktale ratvakeriba ki kuršumlime masa ki godi.

O alkoholi harnjarela o dživdipe baši 15-20 berša.



Alkoholičari si dženo kova sakanaske ja but piela alhokolnikane piiba so anela dži ruheskere rumiba ja rumiba ko gogjakoro thaj badanikano sastipe, pharipa ko relacie averencar thaj rumibe o socialnikano thaj ekonomikano hali. Ov našti te kontrolirinel o piibe alkoholi(našavela o šajdipe baši kontrola taro butbaro istemalkeribe alkoholi) so andarela dži athinalipe.